

■ FORUM DA LAS PARTIDAS

# Pbd – nus As prendain serius!

DAD ANDREAS FELIX,  
SCHEF DA FRACZIUN DALS  
BURGAIS-DEMOCRATS

Cun la cussegliera guvernativa actuala *Barbara Janom Steiner* da Cui-ra e cun *Jon Domenic Parolini*, il president communal da Scuol, stattan duas personalitads politicas versadas da la pbd Grischun a disposiziun per las elecziuns da la regenza. Els politiseschan da maniera orientada a la soluziun cun la finamira da purtar vinvant il Grischun. La pbd s'engascha surtut per finanzas saunas, la furmaziun ed il turissem.

Mo finanzas intactas sin tut ils nivels statals mantegnan la libertad d'agir e dattan la flexibilitad da prender per mauns e da nizzegiar activamain schanzas. Perquai dovri investiziuns cun avegnir, cun las qualas ins promova svilups socials ed economics. La cumpetenzza finanziaria da Barbara Janom Steiner sa mussa tranter auter cun il project equilibrà davart la refurma da la gulivaziun da finanzas chantunala. La sanaziun da las finanzas communalas da Scuol reussida sut la direenziun da Jon Domenic Parolini



è in mussament da prestaziun particular.

L'economia publica grischuna vegn rinforzada cun in access intenziunà a savida. Il sistem da furmaziun dual è il trumf per propi da la cuntrada da furmaziun svizra. Per in'economia publica structurada da maniera commerciala e turistica, sco quella en il Grischun, è quest sistem da furmaziun fitg impurtant. Barbara Janom Steiner e Jon Domenic Parolini sustegnan explicitamain il sistem da furmaziun dual e gidan uschia activamain l'economia grischuna da recrutar spezialists qualifitgads per l'avegnir.

Il turissem è il motor principal da l'export grischun. Per che quest motor

funcziunia er en l'avegnir è il posiziunament cumpetitiv da las prestaziuns da turissem grischunas impurtant. En pli pussibilitesch la colliaziun da nossas purchidas turisticas cun las prestaziuns da nossa agricultura cun lur products da qualitad regionalis e la cuntrada intacta a noss giasts ina percepsziun autentica dal Grischun. Infrastructuras da traffic amplifitgadas e bain mantegnidas cun rodaglias e vias segireschan l'access a nossas valladas ed èn ina basa impurtanta dal svilup turistic ed economic. La lavur politica da Barbara Janom Steiner e da Jon Domenic Parolini illustrescha impressiunantamain quest senn per il turissem e l'economia.

La regenza è in'autorità collegiala. Ella consista da tschintg personalitads che ston funcziunar ensemen per in temp definì ed en l'interess da noss chantun. Barbara Janom Steiner e Jon Domenic Parolini – ensemen en l'executiva grischuna – procuran per las meglras premissas per cuntanscher quai.

Barbara Janom Steiner e Jon Domenic Parolini – il team da regenza da la pbd. Ina buna tschernia!